

**Aurum Sapientvm, Sive Ars, Sine Scelere, & cum virtute,  
ditescendi**

**Masen, Jacob**

**Coloniae Ubiorum, 1661**

Caput VIII. An, & quomodo per usuram facultates suus maximè augere  
liceat, & honestum sit.

---

---

**Nutzungsbedingungen**

[urn:nbn:de:hbz:466:1-55377](#)

in arca, & in conscientia. Et si hoc quidem solum esset, ab omni nos jure iniquitate debet revocare. Hæc illius qui Eym decepit astutia est, pomis aurei pulchritudine, nos fallere. Sed caput serpentis nobis concilandum est. *Quod*, ait idem Augustinus, caput serpentis? prima peccati suggestus, maximum ibi lucrum est, magnum aurum est. Si hanc fraudem feceris dives eris. Caput serpentis est, calca. *Quid* hoc est, calca? contemno quod suggestus. Sed magnum aurum suggestus. Et quid prodest homini, si universum mundum lucretur, anima autem sua desrimetur? Pereat mundi lucrum, ne finis anima damnum.

## C A P U T VII.

*An. & quomodo per usuram facultates suis maximè augere liceat, & honestum sit.*

**M**ultorum in pecunia cum fœnore tractanda solers elucet ingenium. Ex uno illi nuno alterum, secundo æris partu, norunt elicere. De quorum nobis industria paucis est differendum. Nam minimo hæc labore ars constare videtur. Si enim pecunia nobis pecuniam pariat; ut quid aratro, navibus, quadrigisque manum admoveamus

c In psal. 103.

mus? De auro tantum utiliter, collocando laboremus, & à mediocri facile ad locupletem fortunam emergemus. Verum, ut intra aequitatis limites hac arte progrediamur, in primis videndum est. Nam male parta facile dilabuntur.

Usitata multis negotiatio est, quâ lucri gratia pecuniam transferunt. Ut cum census quispiam pecuniarius emitur, vel ob periculum quod mutuando incurrit, aut lucrum aliud, quod negligitur, plus quam expositum est pecuniarum recipitur. Verum hic usura humanis divinisque proscripta legibus diligenter cavenda est. Ne videlicet pecuniam, quæ apud te otiosa desidet, alteri illo consilio, aut pacto etiam mutuam tradas, ut tibi supra sortem, e. g. quinque supra centena ipsi commodata, refundat. Charitatis humanæ legibus teneris proximo in necessitate, idque gratuitò subvenire, indigusque miseratione & convictu censemur hominum, qui cum extra suum damnum possit, indigenti proximo adesse gravatur: quod humana societas sublata sit, nisi in mutuum homines auxilium manum porrigit. Unde quod natura sanxit, sua olim Deus lege firmavit, *a fratri*, inquit, tuo  
abs-

a Deut. 25,

absque usura commodabis id quo indiget, ut  
benedicat sibi Dominus in omni opere tuo.  
Quæ lex etiamnum Judæis sancta est, inter  
suæ religionis homines, licet aliis ad usu-  
ram tribuant; Hoc enim existimant sibi cō-  
cessum singulari privilegio, ut olim spolia-  
re Ægyptum divina concessione licuit.  
Juxta ejusdem Deuteronomii legem, b fœ-  
nerabis gentibus multis, & à nullo fœnus ac-  
cipes. At hoc tempore, prò dolor, multi  
Christianorum hac Judæorum lege utun-  
tur; illam negligunt, Hos ad Christi scho-  
lastam disciplinamque revocari necesse est, nisi  
& opibus injuriâ partis, & salute æterna ve-  
lint excidere. Si mutuum, ait Christus,  
dederitis his, à quibus speratis recipere, qua  
gratia est vobis? nam & peccatores peccatori-  
bus fœnerantur, ut recipiant a qualia. Bene-  
facite, & mutuum date, nihil inde sperantes,  
& erit merces vestra multa. c Nullum igitur  
non modo lucrum, sed ne simile quidem,  
mutui aliquando erogandi beneficium suos  
expectare jubet; sed prius gratuitum  
vult esse Christus: ne peccatoribus, illud  
quoque præstantibus, Christiani meliores.  
non simus. Lucrum igitur maximum futu-  
rum:

b Deut. 28. v. 12. c. Luc. 6. v. 34.

rum est, lucri illius neglegatio, quia erit merces vestra multa.

Est verò in omni usura enormis quædam malitia. Quia cum vix ulli, nisi indigentia compulsi, pecuniam ab aliis mutuam desiderent, ut per hanc propriæ subveniant necessitati: prorsus inhumanum est, ab illo, qui alienis indiget, etiam propria, quæ sperare olim potest, adiumenta eripere. Hoc enim penè est, spoliare nudum, illique qui nil habet praesentis boni, hoc quoque eripere quod erit habiturus. Unde D. Ambrosius hac impietate expensa, inquit, d Subvenire egenii humanum: duritia aurem est, plus exigere, quam dederis. Si enim egens auxilio eguit, quando non habuit de suo unde redderet; nonne impium est, se sub humanitate simulatione, ab eo pascas, qui non habet unde reddat? D. Basilius e quoque & suâ, & sacrarum literarum sententiâ hanc malitiam exaggerat. Ezechiel, f ait, in maximis posuit malum fœnus, & plus quam sororem accipere, & lex illud luculenter prohibet, non fœnerabis fratri tuo & proximo tuo. Et rursus, ait, fœnus super fœnus, & dolus super dolum. Et de civitate in multitudine malorum deprehensa,

d lib. 3. offic. c. 3. e In Psal. 14. hom. 2. f  
Ezech. 18. v. 13. g 17.

bensa, quid ait psalmus? g Et non defecit, de  
placere cūs, usura & dolus. Enim vero inhu-  
manitas est maxima, si is, qui egestate premi-  
tur, muruum ad vita subsidium quarat; dans  
verò minimè sorte contentus, ex misericala-  
mitate proventus, & opes sibi excogitet. Ho-  
mines Ethnici, quibus illa Christianæ misé-  
ricordiæ opera, tanto opere, quanto Chri-  
stus fecit commendata non fuere, hujus fla-  
gitii atrocitatem abominati sunt. Ciceronē  
de officiis differentem audiamus h Inter-  
rogatus, ait, Cato, quid in re domestica maxi-  
mè expediret? respondit bene agrum colere: in-  
terrogatus iterum, quid fænerari? respondit,  
quod occidere hominem. Non igitur aliter fæ-  
neratorem peccare censuit, quam homicidam.  
Quæ causa, cur Aristoteles in politicis suis  
institutionibus, usuram quoque tanquam  
legibus naturæ repugnantem damnaverit.  
Non igitur immetitò Chrysostomus. k Nil,  
ait, præsenti usura turpius, nilque crudeliu-  
cium prætextu miserendi atque opem ferendi,  
majorem misero foveam crudelitatu effoderit,  
specie invandi atterens inopem, ac manum  
porrigendo dejiciens, & quasi in portu extem-  
pestare suscipiens, sed improviso turbine in-  
mulit

g Ps. 54. h Lib. 2. offic, i 1. Pol. c. 7. k  
In Matt. hom. 5.

multò magis crudele naufragium, velut inter  
scopulos & latentia saxa, demergens.

Quare in fœneratores, tanquam ab hu-  
mano divinoque damnatos judicio, gravis-  
simis decretis Ecclesia animadvertisit; ut ex-  
horrescere ad usuræ cogitationem meritò  
omnes boni cogantur, & indomitæ lucri  
cupiditati frenum injicere. 1. Epim usurata  
rios, juris aut facti notitia cognitos, infames  
esse declarat; ideoque si Clericus sit, ad  
Ecclesiastica officia ac beneficia inhabilema  
atque irregularem, / 2. Eisdem legibus,  
titulo de usuris, ab altaris S. communione  
talis arcetur, ejusque oblationes Ecclesiæ re-  
sicit, quin etiam sepulturâ communii inter-  
dicit, nisi restitutis usuris, pœnitentiam ege-  
ris m 3. Testamentum, & quævis alia u-  
surarii manifesti voluntas, ultima ipso jure  
irrita est, nisi de restitutione prius idoneè  
sufficienterque cautum fuerit. \*

Ad hanc tam gravem severamque Eccle-  
siæ censurā, quā usurarios omnes perstrin-  
git, quis non perhorrescat, tamque abomi-  
nandi criminis, etiam suspicionem solam, à  
se amoliatur. Verum humana solertia, an  
dicam

1 c. infames 3. q. 7. & l. improbum fœnus c.  
ex quibus causis &c. m c. quia in omnibus  
a c. quanquam, in 6. de usur.

dicam malitia , cum ætate semper auctior,  
tot modo, ex traditis pecuniis, frumentis, a-  
liisque rebus, quæ vel mutuò, vel anticipa-  
to proximis, creduntur, titulos exigendi su-  
pra sortem, æstimationemque reperit, ut in-  
ter usuras maximas, nulla penè reperiatur,  
quæ non aliquem justitiæ colorem indu-  
cat , & sub pallio æquitatis tegat iniquita-  
tem. Ita periculosa opus aleæ tractant, qui  
mutuum petentibus , ea lege pecuniam of-  
ferunt, ut dicant se velle anniū emere cen-  
sum e.g. 50. imperialium, dum mille exhi-  
bent, simulque jus sibi capitalem summam  
repetendi , censu renuntiato vendicant.  
Quid enim hī aliud agunt, quām qui ex mu-  
tuo lucrum postulant, nisi quod solā fictio-  
ne tituli discrepant? certè in Pontificiis cō-  
stitut. Martini V. & Calixti III. Vti & Ca-  
roli V. Imp. ejusmodi contractus usurarius  
habetur , quo census redimendi facultas  
emptori conceditur: quod discriminis sem-  
per plenus, si iniquitatem non soveat, ab ea  
certè haud procul absit. Si vero soli ven-  
ditori facultas redimendi, census, cum libet,  
manserit, major appareat æquitas ; quod al-  
ter cum pecunia jus omne repetendi ami-  
serit, censuque teneatur cedere, cùm visum  
est

est alteri. o Manifestior quoque usuræ ini-  
quitas est, cum emptor vini e. g aut frumen-  
torum indigis vinitoribus agricolisque ap-  
ticipatâ solutione prosoluens, minoris soli-  
tò rem comparat: aut cum venditor, ob di-  
latam solutionem, majori suas merces pre-  
tio traducit. nisi enim cessantis lucri gra-  
tiâ, aut damni emergentis interveniat ratio,  
palliatæ tantum usuræ specie horum con-  
tractuum iniquitas obvelatur, p sed divinos  
non fallet oculos, autorem non locupletabit.  
Nescech, id est morsus Hebræis usuræ  
appellatur. Mordet, ut coluber, venenum  
que per totum facultatum corpus spargit.  
De quo eleganter Chrysostomus, aut si quis  
alius operis imperfecti autor est, in Mat-  
thæum. q Similis ait, pecunia usurarii est  
aspidu morsei. Sicut enim, qui ab aspide per-  
cutitur, quasi delectatus in somnum vadit, &  
sic per suavitatem soporis moritur; sic & qui  
accipit sub usuris, pro tempore delectatur.  
Nam sicut venenum aspidis latenter per om-  
nia membra disurrit, & corruptit, sic usura  
per totas facultates discurrit, & convertit eas  
in debitum.

Verum multi dicent: Unde vivam, nisi

N ex

o Vide Laym. l.3. t.4 c.18. p Ibid. c.16.  
n.s.q hom. 12. c.5.n

ex pecunia, quæ modica mihi suppetit, fœnus colligam? Augustinus his responsurus est. Audent, inquit r. fœneratores dicere: non habeo aliud, unde vivam. Hoc mihi & latro diceret deprehensus circa parietem alienum; hoc mihi & leno diceret emens puellas ad prostitutionem; hoc & maleficus incantans mala, & vendens malitiam suam. Quidquid tale prohibere conaremur, responderent omnes, quia non haberent, unde viverent, quia inde se pascarent. Quasi non hoc ipsum in illius maximè puniendum est; quia artem nequitia delegerunt, unde vitam transfigant: & inde se pascere volunt. unde offendunt eum, à quo omnes pascuntur.

Quod si qui tamen impensis usurâ delectentur, quam ut ab illa omnino avelli queant, neque absque fœnore de pecuniis collecto, se vitæ suæ necessitatibus consilere posse existiment: Sapientissimus hos Salomon ad optimum fœnoris genus instrutus est, Fœneratur, ait. Domino, qui misericordia pauperis, & vicissitudinem suam reddet ei. Ipse Christus docebit. Date mituum nihil desperantes, & erit merces vestra multa. Quibus nescio promissis, quid non solum disertius, verum etiam certius dari

r. In psa'. 128. l. Prog. 19. v. 17. t. Lyc. 6.

dari possit. Difficilis fateor ad persuadendum oratio est, quâ liberalitatem in donando suademus. Certa largiri, ut incerta assecuraris ( ita enim perperam sentimus ) hoc opus, hic labor est. Pauci quos Diva sic amat Liberalitas. Et tamen fœnus aut usura nulla honestior, nulla fructuosior, quam largiri sub cautione aliqua, mutuum sine usura, pauperibus; quod ego inter liberalissimum quæstuosissimumque eleemosynæ genus esse censco, de quo S. Leo loqui videtur. Non potest, inquit, u largitatu deesse materies, ubi Christus. & pascit, & pascitur. In omni hoc opere illa intervenit manus, que panem frangendo multiplicat. Securus & hilarius sit eleemosyna distributor, quia tunc maximè lucrum habebit, quando sibi minimum reservaverit. Suffragatur huic sancto Pontifici D. Ambrosius. x Fœnerare, ait, Christo, bonus deposita spēi custos, multiplicatiū ſedī tua talentum solvet usurū. Non fallit veritas, non circumſcribit iustitia, non decipit virtus. Hoc est quocunque te ipsum verteris, sive ad Deum, sive ad homines promissa usura falli non poteris. Nam qui hanc promisit ipsa est veritas; quo mereris, virtus est: obligatio quâ Deus ad solvendum te-

N 2 netur,

u Ser. 10. de quadrag. x Lib. I. de Virg.

netur, justitia quædam est , per quam reddit unicuique , quod vi promissionis debet. Nullæ vñquam fœnectorum usuræ tam certa solutione penduntur. Multi hominū, vel necessitate, vel scelere fidem promissam fallunt; Deus neque indigentia rerum permittur, neque ullius sceleris cupiditate tangitur. Tam illi præstare fidem promptum est, quam polliceri. Solum proprio homines flagitio excidere poterunt, quod tamen adeò rarum est, ut Deus ad flagitia mortaliū facilius dissimulet, quam sua promissione deficiat , ac sceleratis nonnunquam rependat , ne datæ ipse fidei neglectio arguatur. Dignum memoria est, quod hac in causa refert Sophronius y Homo ethni-  
cus, in urbe Nisibe, tenuioris fortis erat, qui cum 50. nummos aureos collegisset, quos fœnori locatus esset. Uxor Christiana, ut ab hoc consilio virum averteret, ait locupletissimum ex tantilla pecunia fœnus colligi posse, si in Christi honorem pauperibus vtendam pecuniam distribueret: hunc enim liberalem promisisse sibi impensarum remunerationem. Vir igitur hac spe illectus in pauperes nummos expendit. Labitur tē-  
pus: diesque , quam usuræ potuissent exigi, tran-

y Prati Spirit. c. 185.

transit: neque tamen quicquam sperati fœnoris refunditur. Quærit queriturque apud conjugem maritus, quæ mœstum anxitemque solata ad templum commeare jubet, ubi prius eleemosynas erogarat. Verum illuc cum venisset, nemo præter indigentes sese illi offert, ad accipiendum prompti omnes, nec quisquam ad donandum. Ad Christum igitur conversus, promissum exigit, tandemque velut desperata re domum se recepturus, nummum in via aureum, illis quos expenderat similem, reperit: quo in penuria rei familiaris panem piscesque coemit. Hoc eviscerato, lapillus in illo deprehenditur miræ pulchritudinis, quem vir à muliere acceptum, ad Lithopolam defert. Hic principio quinque aureos pro gemma offert: ad quod cum admirans hæreret venditor, alter vilaratem oblati pretii cum despiceret ratus, mox decem, ac deinde viginti, postremò & quadraginta obrulit. Itaque cum serio hæc agi observaret venditor, ejus, inquit, tantum pende, quantum ex æquo bonoque æstimandum nosti. Qua re æquitatis Lithopola admonitus, trecentos illi aureos numeravit. Unde latus insperato eventu civis, tamque certa ac libera Christi promissione motus, quam indignus

mercedem tulerat, ipsius deinde fidem amplexus, digniori vita & cultu promoteri conatus est.

Christus licet promissa nonnunquam differat, ad probandam fidei nostræ speique constantiam, nunquam tamen fallit. Cœlum, inquit, & terra transibunt, verba autem mea non interibunt. Differentem hac de re D. Ambrosium volupe erit auscultasse. Decebo, inquit. et quomodo boni fœneratores esse possit, quomodo bonas quaratis usuras. Dicit Salomon. Fœnerat Domino, qui miseretur pauperis, secundum autem datum ejus retrahet ei. Ecce bonum fœnus de malo factum est: Ecce irreprehensibilis fœnerator, ecce usura laudabilis. Nolite ergo iam invidenter me vestris commodis estimare. Putati quod hominem vobis subtraham debitorem? Deum prouideo, Christum surrogo, illum demonstro qui vos fraudare non possit. Jam vero magna ejusmodi fœneratorum, & hujus & futuræ vitae felicitas est. Augustinum hic præ meis audiri verbis malim. Quid inquis facio (sic loquitur) ut sim utilius fœnerator? attende quid facit fœnerator. Minus vult dare certè, & plus accipere: hoc fac tu. Da modica, accipe magna. Vide quam latè crescat fœnus tuum: da temporalia, accipe De Tob. l. i. c. 16. a In psal. 33.

cipe eterna; da terram, accipe cœlum. Et Chrysostomum aurea eloquentia suffragā-  
tem non aspernaberis b Quid, ait, ita paun-  
per & egenus es, ita pusillanimus, ut parvo  
magna, & caducis pecunii liberalitatem ven-  
das, cūm pessis aeterno regno vendere? cur omis-  
so Deo, humano lucro sollicitaris? cur divinem  
transcurriti, & pauperi adhaeres: reliquisti  
eum, qui reddere potest, & ingrato atque inopi-  
loqueris. Ille restituere desiderat, hic non red-  
det nisi coactus: hic vix centesimam partem,  
ille centuplum, & vitam eternam: hic convi-  
tio ac contumelias, ille singulari ac præcipua  
laude: hic invidiam multorum in resuscitat,  
ille immarcessibiles tibi coronas necit: hic de-  
inde vix in hac vita, ille tamen in hac vita,  
quam futura. Putasne igitur extrema non  
esse amentia sic lucrari? Hæc quisquis, ut par-  
est, expenderit certiorem, totque firmatam  
testimonii exemplisque viam, non aversa-  
bitur.

Nolim tamen hac mea Sanctorumque  
Patrum oratione licitam, sine iniquo scena-  
re, lucri ex adjunctis mutui, rationem exclu-  
dere. Cum videlicet pecuniā, tibi ad nego-  
tiationem, vel usum alium paratā, in gra-  
tiam proximi, cum tuo cedis incommodo,

N 4

sive

b hom. 51. in Mathe.

sive lucri illud cessantis sit , sive danni emergentis vel cum tali illam credis , qui vel fortuna , vel si de vacillante , periculo amittendæ pecuniæ te exponat . Hoc enim periculi suscepiti onere transmissæ per cambiū pecuniæ cum auctario refunduntur : hoc etiam venditi census , & mutuantum frustus ex pignore , quamvis redimibiles , justificantur ; cùm ementi pereant . Universè quotiescumque onus aliquod pretio aestimabile , cum mutuo jungetur , illius ratio haberi , citra usuræ culpam , poterit . Neque enim , aut conscientia , aut Deus , ita nos proximo subvenire voluit ( nisi extrema necessitate affligatur ) ut justa lucra negligamus , detrimenta immerito subeamus , onus aut periculum gratuito sustineamus . Hæc igitur vbi occurserint , in necessitate præsertim , quisque sibi futurus est proximus . Quæ monere placuit , ut quo quisque jure uti possit , intelligat , terminosque discat ,

*Quos ultra citraque ne quicunque confondere redum.*

Ab usura itaque liberi erunt , quotquot pecunias , quas vel negotiationi , vel prædiis ædificiisque , aut alteri cuicunque rei sibi utili impendere decreverant , hos mutuò ad lucrum crogent , aut ad censem , etiam utrim-

*¶ Laym. l. 3, l. 4. c. 16. ¶ 48.*

utrumque redimibilem , coemendum im-  
pendant: secus verò si otiosam domi pecu-  
niā, neque alteri destinatam officio , ad  
hoc lucrum , sine periculo aut onere suo,  
convertant. Illuc enim justus lucri titulus,  
hic nullus est. Sola pecunia, aut frumen-  
tum, vel quidquid mutuò transferri potest,  
cūm domi non prodesset, foris non potest  
fructificare , quòd in alterius dominium  
translatum sit, cui vel perit, vel servatur, pe-  
riculo simul usque ad novum Dominū  
translato: qui tantundem, quantum acce-  
pit, tenetur, pacto tempore , refundere : aut  
si non præstet, damnum hinc emergens, su-  
pra acceptam sortem, mutuanti compensa-  
re. Licebit igitur, cum de fide accipientis  
ambigitur , hac lege pacisci, ut si temporī  
non refundatur, ultra sortem teneatur repē-  
dere. Verūm pacisci, citra causam, de be-  
neficio vicissim præstando , aut re meliori  
( quale novum pro veteri esse frumentum  
queat ) exhibenda, iniquum, & usurarium  
est, ut etiam iniquum est , in frumento aut  
vino invitis restituere , quòd in ære parato  
accepisti. Quocirca omnes, suæ salutis amā-  
tes moneo: cavendum esse , ne titulos, lu-  
crandi cupiditate, fingant pōtius , quàm in-  
veniant, seque magis fallant, quàm alios,

dum nunquam Dei oculos manumque via-  
dicem subterfugiunt : qui tam improbè  
quæsita lucra impunè non sustinebit. Non  
jam agam de anatocismo, sive usurarum u-  
suris, quando in pactum diducitur, ut usuræ  
non solutæ adnumerentur sorti, fœnorisque  
incrementum faciant. Hic enim matris im-  
probæ longè improbissimus partus est,  
qui jus omne humanum divinumque vio-  
lat. Uno postremum fœneratores omnes  
exemplo ad æquitatem, & honestum, dig-  
nunque homine lucrum invitabo.

Thomas Cantipratanus e sui temporis  
historiam refert, de religiosissimo Abbe  
Villariensi in Brabantia. Usurarius magni  
nominis Namurci diem clauserat extremū,  
quando ingens ab illo pecunia, fortè mille  
sexcentarū librarum delata in monasteriū,  
ad possessiones monasterii locupletandas  
conversa est ; sed electus recens Abbas non  
ignorans male ab usurario partes opes, eas  
collecto rursus mære, Namurcum remisit, ut  
in spoliatos injustè cives distribuerentur.  
Sed remissæ ad monasterium pecuniæ à  
magistratu sunt, ob implicatum restitutio-  
nis negotium. Verùm Abbas recusans ad-  
mittere, ad medium referri forum pecunias  
jubet,

*¶ Lib. 2. de univers. c. 26. p. 5.*

ſubet, civibusque nunciari, hoc illorum esse,  
non suum argentum, & ut quisque sibi ab  
usurario spoliatus vendicet, quod proprium  
est. Quo æquitatis exemplo commoti  
cives, & Abbatii bene precati, per delectos  
viros indigis, injuriamque perpessis æs om-  
ne distribuerunt. Monasterium autem bre-  
vi tempore adeò luculentis opibus locuple-  
tatum est, ut cōstaret decuplo remissam ab  
Archimandrita pecuniam auētam esse, ma-  
ximumque fuisse fœnus, tā improbum fœ-  
nus damnasse. Repetant cum D. Ambrosio  
concludamque : *Ecce bonum fœnus de ma-  
lo factum est, ecce irreprehensibilis fœnerator.*  
*Vade, & fac similiter.*

## C A P U T I X.

*Aurumne arte aliqua humana produci, opes-  
que hac via magno lucro augeri possint?*

**E**xpectabunt fortè nonnulli, ut cum de  
Auro Sapientum instituta nobis disserta-  
tio est, artem hic Chymicam auri conficien-  
di tradam. Hæc enim via, & facillima, &  
minimè sumptuosa ad opes parandas vide-  
tur. Quisquis enim possederit aurum, hic  
cetera omnia, ad mortalium in hac vita feli-  
citatem spectantia, possidere, non immeri-  
ſo existimat; cùm auto licitemur universa.